

Semakkan subsidi bagi rawatan di Klinik Pakar Pesakit Luar mulai 1 Januari 2023

Peringkat subsidi di Klinik Pakar Pesakit Luar (SOC) telah disemak untuk pesakit yang mempunyai PCHI melebihi \$3,300. Pesakit-pesakit ini kini layak mendapat subsidi sehingga 40%.

Dengan perubahan ini, sumber-sumber bantuan yang ada dapat disalurkan kepada mereka yang lebih memerlukan.



PCHI	Subsidi untuk Rakyat Singapura
Tiada PCHI	AV≤\$13k: 70% \$13k<AV≤\$21k: 50% AV>\$21k: 30%
\$0<PCHI≤\$1,200	70%
\$1,200<PCHI≤\$2,000	60%
\$2,000<PCHI≤\$3,300	50%
\$3,300<PCHI≤\$6,500	40%
PCHI>\$6,500	30%

Pilihan untuk pesakit dalam akut swasta dan pesakit swasta pembedahan harian mulai 1 Januari 2023

Pesakit dalam akut di wad swasta (kelas A dan B1) dan pesakit swasta pembedahan harian yang layak kini boleh memilih penjagaan susulan SOC bersubsidi.

Mudah, Berpatutan, Lebih Baik

Kementerian Kesihatan bertekad untuk memastikan kos penjagaan kesihatan kekal berpatutan bagi semua rakyat Singapura. Pesakit yang masih memerlukan bantuan setelah menggunakan subsidi pemerintah, insurans dan MediSave boleh memohon melalui skim bantuan kewangan dari pekerja sosial perubatan.

Untuk maklumat lanjut, sila layari <https://go.gov.sg/whathss>



Kementerian Kesihatan (MOH) telah memperkenalkan perubahan kepada rangka kerja subsidi berdasarkan ujian kemampuan untuk memastikan subsidi disasarkan kepada mereka yang memerlukan lebih sokongan.

Peningkatan ini boleh dimanfaatkan kepada penjagaan pesakit dalam akut dan hospital masyarakat, pembedahan harian, serta penjagaan Klinik Pakar Pesakit Luar.

Menggunakan Pendapatan Per Kapita Isi Rumah (PCHI) bagi ujian kemampuan pesakit dalam

Sebelum ini, ujian kemampuan dilaksanakan berdasarkan pendapatan bulanan individu para pesakit.

Ketua keluarga yang menyara empat orang ahli keluarga menerima subsidi yang sama seperti seseorang yang berpendapatan sama menyara hanya dua orang ahli keluarga.

Lantas, penggunaan PCHI mencerminkan kemampuan pesakit dengan lebih tepat, kerana ia mengambil kira sumber kewangan seluruh isi rumah.



Ada 4 ahli keluarga dalam isi rumah ini

$$\text{PCHI} = \frac{\$3,600}{4} = \$900$$

Rangka kerja subsidi baru bagi penjagaan pesakit dalam akut dan pesakit pembedahan harian mulai 1 November 2022

Satu rangka kerja subsidi umum telah digunakan untuk wad B2 dan C, serta pembedahan harian.

Sebelum ini, subsidi untuk pembedahan harian tidak berdasarkan ujian kemampuan. Menerusi rangka kerja subsidi umum yang baru ini, pesakit akan menerima subsidi berdasarkan ujian kemampuan untuk pembedahan harian.

Pesakit terdahulu layak mendapat subsidi pesakit dalam akut sebanyak 50% hingga 65% untuk wad B2, dan 65% hingga 80% untuk wad C.

Namun, kini pesakit dalam wad B2 dan C boleh menerima subsidi sehingga 80% berdasarkan PCHI mereka.



PCHI	Subsidi untuk Rakyat Singapura
Tiada PCHI	AV≤\$13k: 80% AV>\$13k: 50%
\$0<PCHI≤\$1,200	80%
\$1,200<PCHI≤\$2,000	70%
\$2,000<PCHI≤\$2,200	60%
\$2,200<PCHI≤\$2,800	50%
\$2,800<PCHI≤\$3,300	40%
PCHI>\$3,300	30%

Nilai tahunan (AV) ialah anggaran kasar sewa tahunan harta tanah sekiranya ia disewakan, tidak termasuk perabot dan yuran penyenggaraan. Ia ditetapkan oleh IRAS.

Untuk maklumat lanjut, sila layari <https://go.gov.sg/whatav>

Subsidi lebih tinggi bagi khidmat separa akut dan pemulihan di hospital masyarakat mulai 1 November 2022

Subsidi yang dipertingkatkan juga disediakan bagi khidmat penjagaan separa akut dan pemulihan di hospital masyarakat.



PCHI	Subsidi untuk Rakyat Singapura
Tiada PCHI	AV≤\$13k: 80% AV>\$13k: 30%
\$0<PCHI≤\$1,200	80%
\$1,200<PCHI≤\$2,000	70%
\$2,000<PCHI≤\$2,200	60%
\$2,200<PCHI≤\$2,800	50%
\$2,800<PCHI≤\$3,300	40%
PCHI>\$3,300	30%

Subsidi Dana Bantuan Rawatan Perubatan (MAF) yang dipertingkatkan mulai 1 September 2022

Pesakit dengan PCHI antara \$2,800 dan \$6,500 kini layak mendapat subsidi sehingga 50%.

Lebih banyak ubat-ubat untuk penyakit barah kini disertakan dalam senarai ubat-ubat yang disokong oleh MAF. Ini membantu memastikan bahawa ubat-ubat yang terbukti secara klinikal dan kos efektif kekal termampu oleh rakyat Singapura.